

**Oqaasiliortut toqqagaarlaat januaarip ulluisa 29-anni 2002, nal. 15.00,  
siullermeerlutik ataatsimiinnerannit imaqarniliaq.**

Peqataasut: Carl Chr. Olsen, Nuka Møller, Kelly Berthelsen, Ella Skifte, Stephen Heilmann, allatsigalugu Kristine Olsvig. Nuka Kleemann KIIP sinnerlugu ataatsimiinnermi peqataavoq.

Oqaluuserisassat:


1. Tikilluaqqusineq.
2. Nassuiaatit.
3. Siulittaasussamik qinersineq.
4. Siulittaasup tullissaanik qinersineq.
5. Nunat Aqqinut Aalajangiisartunut Oqaasiliortunit ilaasortassanik qinersineq.
6. Inuit Aqqinik Akuersisartunut Oqaasiliortunit ilaasortassanik qinersineq.
7. Nordisk Sprogrådimum sinniisumik, sinniisussaanillu qinersineq.
8. Oqaasiliortut ICC-mi oqaatsinut isumalioqatigiissitanut ilaasortassaannik qinersineq.
9. Taasariaqartut allat.

- 1 pillugu -

Carl Chr. Olsen Oqaasileriffik sinnerlugu taamatullu Oqaasiliortuni ilaasortatut ilaasortaaqatiminut ataatsimiinnermut tikilluaqqusivoq.

- 2 pillugu -

Oqaasiliortut piginnaatitaaffii pillugit inatsisit erseqqissarnerullugit CCO-mit nassuiaatigineqarput. Ilanngullugit ilisimatitsissutigineqarput Nunat Aqqinik



Aalajangiisartut, Inuit Aqqinik Akuersisartut, Nordisk Sprogråd, naggueqatigiit inuit oqaasii pillugit suleqataasunut tunngasut paasissutissat.

Nunat Aqqinik Aalajangiisartut ataatsimiititalianit allanit immikkoorutigaat malittarisassat aalajangersimaqqissaartut malillugit atortussanngortitsisaramik. Nunat aqqinut tunngasut suliassartalerujussuupput. Aqqit allattaasitoqqamit allattaatsimut maannamut atuuttumut iluarsartuutassarpassuupput ammalu allorniusat tunngavigalugit erseqqissagassaallutik. Tamakku Kort & Matrikelstyrelse aamma Asiaq peqatigalugit suliarineqarnissaat maanna aqqutissiuunniarneqarput. Siunertat ilagaat kommunikkuutaartumik nunat aqqisa nalunaarsorneqarnissaat, kingorna Nunat Aqqinik Aalajangiisartunit naliliiffigineqartussatut.


KB.: Inuit Aqqinik Akuersisartut najoqqutatik ersernerlungaarmata ajornartorsiutigisarpaat. Suliniutissat pingaarnersaraat atsiinermut oqartussaaffiup tamakkiisumik Nunatsinniit ingerlanneqalernissaa aamma atermik akuerinngisaminnik inuit ingerlatitseqqiffigisinnaasaannik pilersitsisoqarnissaa.

- 3 pillugu -

Ilaasortat pingasuusut CCO siulittaasussatut piukkuppaat, CCO-lu siulittaasutut ingerlaqqissinnaalluni soqutiginnippoq.

NM.: Naluneqanngitsutut CCO angalajuartarpoq aammalu sionratigutullu pisoqassanngippat massakkut piffissaqarnerusumik Oqaasiliortut siulittaasoqartariaqarput.

CCO.: Ilaasortat suleqatigiilluarnissaat kissaatiginarpoq. Taamaattumik nammineq kisimi apeqqutaatinneqartariaqanngilaq. Nammineq peqataanngikkaluaruniluunniit ataatsimiinneq ingerlanneqarluarsinnaavoq.



KB.: CCO-p Oqaasiliortuni siulittaasuinnarnissaanut una toqqammavissaq pingaaruteqartorujussuuvoq, tassa oqaatsit mianernartut ataasiakkaat pineqartillugit oqaasilerisutut tunngavilersorsinnaammat, tamannalu inuiaqatigiinnit aamma pingaartinneqarluni isiginiarneqarpoq.

NM.: Siulittaasussap toqqarneqarnissaanut apeqqutit pingaarnert ilagilluinnarpaat, suut suliassatut siunniunneqarumaarnersut, qanorlu akulikitsigisunik ataatsimiisitsinerit pisassanersut.

Oqaasiliortut ingerlalluassappata pingaarutit aamma ilagaat, siulittaasoq siulittaasullu tulliata suleqatigiinnerunissaat.


CCO.: Siunnersuuteqarpoq ataatsimiinnissamut tullermut tamarmiullutik Oqaasiliortuni annertunerusumik sammerusussinnaasaminnik saqqummiussinissaminnut eqqarsaatersuuteqassasut.

ES.: Ullut ataatsimiiffiujumaartussat isumaqatigiissutigieriarlugit allaganngorlugu sulisitsisuminnut takussutigisinnaavaat.

NK.: Oqaasiliortut Naalakkersuisunit toqqagaallutik inuiaqatigiinni suliassaqartitaasutut illersugaapput. Taamaattumik sulisitsisup peqqusineratigut ataatsimiinnernut takkussinnaajunnaarnermik kinguneqartinneqassagaluarpat tamanna piaartumik ilisimatitsissutigineqassaaq.

Amerlanerussuteqartut isumaat tunngavigalugu CCO Oqaasiliortuni siulittaasutut toqqarneqarpoq.

- 4 pillugu -



SH siulittaasup tullissaatut soqutiginnilluni nalunaarpoq. NM Oqaasiliortut avammut saqquminerulernissaat "neqitaralugu" siulittaasup tullissaatut soqutiginninnini aamma nalunaarutigaa.

Taasinerit inernerisa takutippaat SH taasinernik sisamanik amerlanerussuteqartoq, taamaalilluni Stephen Heilmann Oqaasiliortuni siulittaasup tulliatut inissippoq.

- 5 pillugu -

Nunat Aqqinik Aalajangiisartunut ilaasortanngorput Stephen Heilmann aamma Kelly Berthelsen.

- 6 pillugu -


Inuit Aqqinik Akuersisartunut ilaasortanngorput Nuka Møller aamma Kelly Berthelsen.

- 7 pillugu -

Nordisk Sprogrådimut sinniisutut Carl Chr. Olsen ingerlaannarpoq. Carl Chr. Olsenimut sinniisunngorpoq Nuka Møller.

- 8 pillugu -

ICC-mi oqaatsinut isumalioqatigiissitanut ilaasortanngorpoq Nuka Møller. Ilaasortanngornermini isumalioqatigiissitanut sullissineq ataqatigiissaarinerlu isumagisarilissavai. Suliassaq tullinnguuttoq tassaavoq ICC-p ataatsimeersuartitsinissaanut inuit ataatsimut allattaaseqalernissaannut tunngatillugu nalunaarusiornissaq.



- 9 pillugu -

Aasap tungaanut ullut uku ataatsimiiffissatut toqqartorneqarput:

Pingasunngorneq, februaarip 27-anni, nal. 10.00.

Pingasunngorneq, marsip 13-anni, nal. 10.00.

Pingasunngorneq, apriliip 24-anni, nal. 10.00.

Pingasunngorneq, maajip 29-anni, nal. 10.00.

Pingasunngorneq, juunip 12-anni, nal. 10.00.

Naggataatigut ilaasortat tamarmik piumaffigineqarput paasissutissat  
assigniingitsut imminerminnut tungasut piaartumik Oqaasileriffimmut  
paasisitsissutigeqqullugit.

Carl Chr. Olsen  
Siulittaasoq

Kristine Olsvig  
Allatsi